

近代詩鈔

十六

近代詩鈔

張元奇



元奇字珍午一字君常號薑齋福建侯官人光緒丙戌進士官至奉天巡按使有知稼軒集

石遺室詩話君常少擅鄉曲之譽冠冕儕輩自通籍以迨入諫垣中間還鄉主講席與陳弢菴閣學鄭澹菴編修葉稚恂侍御諸人相倡和切劘幾疑詩能窮人出守巴陵正所謂得江山助者移官遼左十數年來雖匆匆不廢唱渭城非復曩時旗亭畫壁之侶矣集中句如君房天下妙言語大范胸中皆甲兵劫後瘡痍人望歲軍前笳吹氣如山暫借一龕高廟地略消萬里故鄉情皆極自然

聞馮庵病寄此奉訊

相見不能數霜風忽淒厲聞君有所苦旅窗常晝閉嗟君老湖
海豪宕氣蓋世晚落世網中承明思謁帝得官如僦屋僅取風
雨蔽詩卷高一尺浩若無涯際中多人未言百千萬妙諦亦復
祧倉扁活人無鉅細冰炭果何物足以置胸次無乃將奉檄

新時

選博野縣知縣

憂時日橫涕南淀雨添肥西山秋疊翠且抽眼前身追

游願並轡

七月十五夜弢庵丈同又點泛月螺江各有詩來再疊前

韻奉和

看月面山還面城城頭塔影雙金莖孤亭獨上秋宇霽明蟾怪
我寒前盟此時螺渚在天上犯斗照見銀楂橫各携詩句餉良
夜潛虬出水聽且驚雕鐫不憂造物忌蠶叢字裏爭縋兵明朝

蹤跡落人耳仙乎游戲排方瀛繫繩難使白日駐澄膠幾見黃
河清拍浮且復永茲夕隕顏同向尊前頽世間樂事孰多取君
遺其粕餐其英池泉一尺媿江瀨牽船何處容欹傾峽南峽北
我曾到舉頭便欲馳遙情頗憶去年話滄趣曉風斷渡稽江程
安得弄舟狎鳬鴈打門重聽桄榔聲

和韻答肖韓

今日遠不如咸同奇聞驚倒百歲翁毒蛇猛獸吮人血坐擁山
海方憂窮六爻失位多悔吝庚子以後占尤凶舉棋無定彌可
哂人士擾擾知焉從弛閑一派尙盧孟抱墜孤學矜天崇西鄰
啟宇不斂手遼山坐棄杏與松往時金田止燭沸後有文正前
文忠如何接武百十輩摸索終在稠人中娶妻生子子娶婦我
未五十先衰庸早來補闕冀吾友勿使弋者思冥鴻死生事小

豈足念正如雲縠過長空願與歲寒共形影樂同翕翕憂忡忡

高嘯桐入都出迪臣太守孤山補梅圖屬題

詩人作郡有輝光記劇寒雲活古芳幕府賓僚知逸事湖山冰雪見收場春風繞樹栖魂魄夜雨枯棋剩淚行我亦一麾思乞外不知飄絮落何方

嘯桐復以迪臣影片相贈感系一絕

道氣從知老益堅遺姿重覩倍悽然人間何世公歸去死後杭州更值錢

送濤園京兆提刑山右

淮陽美政吾能說晚復承明共朝列中歲相看白髮新各有心情皎冰雪嗟哉首善久不治泉幣日荒兵備劣跨坊籠街誰則賢兩載自慙鯁在咽君來能獨舉其大急蒐軍實徙豪桀閉閣

眞教枹鼓稀伏蒲時補省臺闕大材一身備文武隱患三輔銷
萌蘖走馬何傷張敞賢哦詩不拾昌黎屑豈知公言出綠衣前
後提刑如合轍橫汾雪涕不忍渡西去傷春聽鳴鳩憂讒何來
弦上箭觀空但付劍頭快沈舟病木紛滿前不論是非論巧拙
頗聞遼瀋兵禍解開府陪京爭持節選官未饜強鄰心剗印空
饒說士舌太行萬疊插天高勸子驅車過九折但祝平反囹圄
空不應怊悵河梁別

、濤園將出都復拜粵臬之命次其留別韻爲贈

制誥新頒崇文院拜除旬月忽再見贊皇出鎮獻六箴盧毓公
才經百鍊粵莽未清波艦來嶠帆海壘要安奠廟謨方深南顧
憂選擇使子邦之彥居官何須棄妻孥忠事終可回宸眷祖道
詩多酒不辭輦下故人急開宴黃蕉丹荔近家鄉眼中翻爲此

行羨我作朝官二十年
驚庸不識乘軺傳
他時乞郡落炎方
請君置我戎車殿
詰兵弭亂事亦頗癡
夢南柯何足戀
昨者有詔寬獄市
尙德緩刑霽雷電
一朝鉗網掃無餘
坐聽歡聲騰赤縣
嶺嶠萑苻號難治
民玩法律俗詐變
賢吏賢吏嗜殺人
至今踊貴而屨賤
君本白雲舊曹司
提點終還削瓜面
海風連日漾行旌
柳色游絲滿郊淀
尊前未肯廢唱詠
媿以野饌櫟芳薦
龍圖故事有新詩
歸裝不載端州硯

送周松孫出宰如皋二首

錄一

腹中無城府而有千磊砢
得酒輒傾吐機發不可待
醉時多詆諆既醒當亦悔
劍戟滿世途遇伏子其殆
此行親吏事再見知幾載
稠中識次公江淮照文采
良玉比君子肯使微瑕在
干鏑鋒可寶薑桂性休改
剛腸要有用善飲但樂豈
君看阮步兵何

如彭澤宰

留別老牆根舊宅

生世如短檠特留牆角迹去住亦偶然胡爲意不憚城西類野
處地闊無巷陌花市接街頭山翠當門額五更過駝羣鈴響連
數百任嘲墟墓鄰勝傍王侯宅庭中故多樹藤花尤奕奕只慙
灌溉疎生枯不自惜天復欲徙之沅湘縱倦翮明朝彰德府後
日信陽驛洞庭八百里盪胸豈云窄持此畀良友中有吾詩魄

仍憐將入都
居此屋

漢陽寄葉十一

君方還闕我之官累歲參商一聚難多語早知非俊物相思何
計覓清歡願居禁闥心長已自放江湖夢漸安剩有巢痕望護
惜紫藤花發幾人看

大風夜泊岳陽樓下

妻孥留滯漢江隈，獨自登舟謁府來。
衆水交流人事急，下弦無月雁聲哀。
見燈知與州城近，擁被閒將世局猜。
薄宦未消湖海氣，更何懷抱不能開。

十四夜雨後見月喜家人將至

拋却京華不自憐，浮家楚澤且隨緣。
夢縈青草湖邊路，春盡黃梅雨裏天。
坐擁山城長寂寂，起看江月故娟娟。
人間離合如圓缺，便爲良宵一蹶然。

禱雨岳陽樓歸不成寐三更雨大作喜而賦此

子京作郡百廢舉，我今不能至一雨。
皇天高高呼不聞，設壇爲位坎擊鼓。
衡永長沙浪拍城，三府饑民如蟻聚。
垓堤決盡廬舍沈，亘數百里無乾土。
支祁旱魃爾何物，分據州邑肆侵侮。
湖民

夙以水爲鄉知有龍神無田祖樓前洶湧浪如山不及馬頭涓
滴普晨興旭日挂扶桑千里無雲見晴宇東海隨車願偶奢峴
山張蓋象爭覩占星中夜急披衣離畢滂沱月既午四山銀箭
貫雲飛便是家家續命縷不教人說使君賢但乞天憫吾民苦
遲叔伊不至以詩來次均却寄

雄傑湖山古大州登樓一眺釋千憂江湖夜靜時聞些庭草秋
深不繫囚見說嘉賓猶入幕可因安道竟回舟壯懷隨處須馳
放莫使金羈絡馬頭

秋日雜詩

九江奔赴腕底七澤縱橫眼前欲放筆端奇特但覺煙波渺然
掩鼻效洛生詠抱膝爲梁父吟此事豈關出處不道銷沈至今
常爲高人懸榻不聞名士過江詩成與誰共賞聊供遮日糊窗

衙兵借鋤種菜竈婢縛繩引瓜略藉破除官氣不知優耶劣耶
路旁碑已作礪堂上牌徒代薪美政不值一噓自欺何苦欺人
去日可惜可惜清歌奈何奈何鏡裏鬢絲已改坐看事業蹉跎
澹菴因叔伊不願內調寄詩請爲勸駕次韻奉和並寄叔

伊

今人愛誦石遺詩詩筆縱橫近益奇一世才名空偃蹇百家學
說待論思林花已悟飄茵旨劍氣甯忘出匣時衡岳至今留芋
火爲君重叩嬾殘師

別洞庭

郡符不久握洞庭望猶迷留詩岳陽樓乞水武陵谿魚蝦賤若
土餘糧畝常栖沿湖多新畚拒水憑垵堤亦或苦潰決一熟無
饑黎

諺云湖南
天下足

兵荒已過眼今歲歡嬰媿終身守樂土遑計官

職低云何捨之去遠涉遼東西榆關俯渤海塞草青萋萋九月
卽飛雪邊馬聲酸嘶朝廷固邊圉元戎新析圭重定漢官制蔚
然生雲霓下收拳曲材謬與松栝躋竄身老蠻徼尙有雲憶泥
泯勞世事急解結無錐觴棄繻語何壯只恐湖神詆

渡雙岔河

書生能事真堪嗤三日騎馬寒侵肌曉來霜華壓瓦白蜷伏入
車如聾癡大河前橫忽照眼怪石錯列留殘棋一石最巨屹然
立旁羅數石形尤奇旋渦峻急挾碎石勢與馬足爭奔馳兩石
中裂容一馬車過其上危而欹人聲水聲雜鼎沸數騎前導嗟
已疲俯視馬足如篙槳左右撐拄無停時賦命窮薄歷諸險惡
溪毒水安敢辭僕夫語余此其一尙有十八河流歧

北夫餘永樂太王墓碑

有引

碑在輯安縣東五里石方形下豐上銳高二丈七寸文
凡二千餘言用隸書周刻四面多敍征服百殘新羅戰
績蓋東晉時代物也

行邊日日窮幽探追按山北踰山南賓僚好事並騎出羣山疊
翠江拖藍城東一碑插霄漢年代事實誰能談解鞍親爲剔苔
蘚辨別句畫吾猶堪鄒牟開基著聖蹟傳世十七無媮妣永樂
奮戈闢境土城郭禍亂親平戡四鄰賓貢忽晏駕山陵鐫石留
巉巖上書功德並年月下逮鹵獲女與男百殘新羅互叛服步
騎所向森鋌鏃中有一戰涉倭患東瀛古史資旁參國烟看烟
定韓語約略戶版同邾鄰平穰鴨盧猶足考平穰鴨綠作鴨盧近世
紀述何其吟山麓傳有將軍墓古寢大隧深潭潭以碑證墓當
合一地勢連及如靳驂八分變楷入晉派惜闕名字徒疑含石

高兩丈字兩寸四周鐫刻今猶慘歷年千百脫却水墨花斑駁
生秋嵐陋邦莫道無可語韓陵獲覩吾心甘願假氈椎臥其下
飽讀三日歆朝簪

· 天色沈陰乘馬過麻綾溝大嶺欣然有作

山行最喜結層陰嵐影風絲欲染襟迎面一峯疑路斷打頭亂
葉識秋深窮村偶落飛鴻爪遠道常存愛馬心桑下忽忽無可
戀手攀飛鞚過遙岑

挂牌嶺以西岸巒略奇至葡萄架嶺復皆亂石矣

東行已逾月日與山相見山亦無足奇延袤及數縣累積但頑
石不爛亦不變重重互包裹中通僅一線有如尸位官粗野寡
英彥縱具巖巖瞻終爲人所賤又如爛文字無處覓佳傳反覆
千萬言坐使目力倦今日入懷境略爲出生面豁舒力士開慘

淡媧皇鍊所惜過眼空飄瞥若飛電平生噉虛名嘉果有餘羨
何年化亂石礙道折馬趺夷險過亦忘行跡萬山徧

將至安東渡潏河原野平衍縱眺可喜山行一月幾不知
世間有平地矣

複嶺連雲鳥不飛東來無際豁煙霏河魚正美冰花薄山繭初
成柞葉稀中歲埋輪思自効窮邊按部久忘歸揮鞭一縱平原
眺海色隨風欲染衣

哭葉十一侍御

人間所得亦毫芒一暝知難與世忘病榻馳書憂許事寢門爲
位哭他鄉韋弦舍子將安佩形影從今只自傷四十九年窮不
死

用蘇句

老來誰與說行藏

綁票行

國貧無幣代以票盜窮無票代以人東家大戶我金穴西家小
兒我財神者囂匪呼所鄉迎神刀在手縛神馬後走有金送神歸
無錢馘神首呼冤縣前槌大鼓兵胡如鼠盜如虎搖旂點兵捕
盜來嗚呼盜去兵不回

冤塚

有序

甲辰日俄構兵關內商民七百餘人挾有俄國羌帖日
軍疑爲俄諜同日坑死於康平縣署西牆外至今叢葬
處夏不生草秋冬地成白色或以爲冤氣所結也

死不化秦坑灰生不作田島客七百餘人同日死白日無光血
成碧范侯爲我指其處一蟲一沙一魂魄吁嗟乎戰禍滔天完
卵難不疑俄奸卽日奸我來但隔一牆宿夜聞鬼語摧心肝

歲除日喜晤鄭蘇堪

到門示我入遼詩別後霜華各點髭墜地同時身易老

余與蘇
堪同庚

生申

回天無力路多歧看人羣逐中原鹿請子一爲當道罷知否

平津開閣望驛車催送鄭當時

寄江杏村侍御歸里

驚聞朝事若轟雷屈軼虛生又一回但惜無人居帝側空留此
疏震全台茅容有母真歸矣汲黯平生亦戇哉五載逐臣頭已
白也曾親捋虎鬚來

寄蘇堪天津

世事百艱險突出呼巨手成敗雖未知囊智已賊走入關將兼
旬奮袂正抖擻敢爲天下先誰復一夫狃元戎日憂國瘦損及
踵肘百司羣延頸夜夜望北斗乍晴復見雪寒意警戶牖願將
趙璧歸爲君勞春酒